

Sond. r.
lich Se.
cret/das
giffte auß=
zu ziehen.
Li. de peste.

der mitten/vnd mit * vnd Theriaek solchs anfüllen/oder sonsten auff
ein Kost heiß machen/ solchen Laib Brot vff den Bauch legen / daß
das Loch gerad vber den Nabel kompt / dieses zeucht gewaltig alles
Giffte auß/wie im Büchlein de peste solchs auch gemeldet worden/
Solchs Brot soll man darnach ins ▽ werffen / darmit es niemandt
esse/dann es tödtet.

Somnus
vitandus

Den Schweiß soll man mit warmen Tüchern abtrüeknen/ das
mit man nit wider das Giffte mit den kalten Tüchern hinder sich treiz
be: Vnd nach dem Schweiß ja den Krancken in 24. Stunden nit schlaf-
fen lassen. Dann kein schädlicher Ding ist/ wie dann im Englischen
Schweiß vnd andern pestilenzialischen Seuchen solchs gnugsam er-
fahren ist. Dann wie einer/der Giffte genommen/baldt schläfft/vnnd
im schlaff das Giffte zum Herzen steigt/oder so einen ein vergiffte Thier
gestochen oder gebissen hat/ so man ihn schlaffen läst/baldt stirbt: Also
auch hie das Giffte von stundt an dem Herzen zutringt. Darumb
soll man den Krancken mit tröstlichem Gespräch vom Schlaff ent-
halten/ ihm scharpffe * mit einem Schwamm für die Nasen halten/
vnnd ihn also wacker machen/ daß er in 24. Stunden nicht schlaffe/
vnd ihr viel müssen darumb sterben / daß sie ihnen den Schlaff nicht
wollen lassen wehren/man sag was man wolle / so hilfft vnser warnen
wenig.

Arcentia
somnum.
Den
Schlaff
abzuhal-
ten.

Restau-
rantia.
Die kräf-
te zu stär-
cken.

So nun der Mensch also ein stundt zwo oder drey geschwitzt hat/
soll man ihm verordnen gute Labungen/die das Hirn/ Herz vnd Leber
stärcken vnnd erquicken / als von Zucker / Rosat/ Violat/ Citronen/
Margarenthen / vnnd andere kühlende / säurlete Säfte/ als Weich-
sel/ Johansbeerlin/vnd Baiselbeer oder Saurampffer/manus Chri-
sti perlatas/vnd was solchs mehr ist/wie hernacher folgt. Item man
soll ihm geben gute kräftige Süpplin von Capaun vnd andern / So
viel von dem Schweiß für die Armen verordnet.

Von dem Aderlassen.

C A P. VII.

Ader
lassen
warzu es
diene.

Als die Aderläß sonsten nicht die wenigste evacuation seye/
das böß geblüt zu reinigen / auch zum Wechsel der grossen
Hitz sehr dienstlich/leugne ich nicht/wie dann auch Hippoc.
lib. 4.